

¶ *Fœdus cum Magnesiis iētum.*

27

“ Fratrum Hospitalis prædicti ac prædecessorum suorum Priorum & Fratrum
“ Hospitalis illius temporibus suis pro aliqua Felonia, pro salute sua fugiens
“ habuit in eadem domo ad quam sic fugit & in qualibet domo domorum præ-
“ dictarum haberet huiusmodi privilegium & libertatem prout in sacrosancta
“ Ecclesia tunc temporis pro eodem delicto existeret; prout Willielmus de
“ **Wakefield** (is Hospitaliariorum Procurator fuit) pro prædictis Priore &
“ Fratribus Hospitalis prædicti superius allegavit. Et ulterius dicunt quod
“ licet aliquis pro salute sua ad aliquam domum domorum prædictarum pro
“ aliqua felonia in forma prædicta fugiens ab eadem domo extractus fuisset,
“ ipse semper occasione privilegii prædicti ad huiusmodi domum à toto tem-
“ pore prædicto restitutus fuit. De restitutione dubitant Iudices, unde causa
“ ampliata est etiam in æstivam anni proximi sessionem. Qua, postquam interea
“ à procuratoribus regis privilegium impugnatum est, & alterutrinque disceptatum,
“ & res, à ceteris etiam qui iudicis præerant, mature est perpensa, secundum
“ rem, à Asyl nomine, fertur sententia. Neque hæc sane indigna quæ, formula
“ forensi, interferatur. “ Auditis & plenius intellectis tam Recordo prædicto
“ quam diversis & non modicis legis peritorum rationibus pro Domino Rege
“ in hac parte factis ac habito prius inde avisamento tam Justitiariorum Domi-
“ ni Regis in utroque Banco, quam ferventium Domini Regis ad legem,
“ necnon aliorum peritorum de eisdem Domini Regis consilio per Præfatos
“ Willielmum **Hanchford**, & Willielmum **Skrene**, pro jure Domini Regis in
“ hac parte salvando ad hoc requisitorum, videtur Justitiariis hic quod præ-
“ dictus nunc Prior & Fratres Hospitalis prædicti huiusmodi privilegium,
“ prout ex parte sua in forma prædicta allegatum extitit, habere debeant. Ideo
“ consideratum est quod prædictus Johannes **Goze**, ad prædictam domum
“ prædicti Prioris Sancti Johan. Jerusalem in Anglia vocatam **Spittlehouse**
“ in **Burgh-ton**, ad quam idem Johannes **Goze** pro felonia prædicta fugit
“ petendo ibidem privilegium Hospitalis prædicti & extra quam idem Johan-
“ nes **Goze** postmodum per Constabularios Villæ prædictæ & alios æmulos
“ suos manu forti contra voluntatem suam in forma prædicta extractus fuit,
“ restituatur. Et restituitur per Vicecomitem Comitatus prædicti. Accusatio-
“ nis, Exceptionis, Ampliationis, & Sententiæ formulam integram olim ex-
“ scriptimus ex vetusto, quem diximus, Codice qui locupletissimus est rerum
“ ad Hospitalarios spectantium Thesaurus. sed sub Henrico, Angliæ Rege VIII.
“ legibus in ordinum Comitibus latis antiquata sunt huiusmodi Atylorum jura; &
“ plane apud nos evanuerunt.

Αγαθὴ τύχη δίδουχθαι. Bene ominandi causa ἀγαθὴ τύχη & fermocinationibus
Græcorum adhiberi & inscriptionibus præfigi solum esse notissimum est.
Haud alia notione quam *quod bonum felix faustumque sit, fors fuat*, & quæ
sunt ejusmodi Romanis in usu erant. In utroque Decreto heic reperitur &
ad extremum Fœderis. Sed non ita multa sunt exempla huiusmodi, in Decre-
tis aut Fœderibus, usus. Vide annuas Atheniensium & Lacedæmoniorum in-
ducias apud Thucydidem lib. 4. Ea τύχη ἀγαθὴ τῆ τῶν Ἀθηναίων pactæ sunt.
Laconum item Decretum, non dissimili auspicio fit, de Epictetæ Grinni filiz
legato, apud Janum Gruterum in Inscriptionibus pag. 217. Etiam pro eo quod
est Romanis *quod felix faustumque sit* expresse substituunt Græci Αγαθὴ τύχη
uti habetur apud Appianum lib. 4. de bello Civili. Id καλῶς ἔγγοιστο est Helle-
nisticis Maccabæorum primo cap. 8. 23. Et Donatus ad Terentii Hecyram *fors
fuat* usurpari ait, pro *bona fortuna sit*, unde etiam nos, *cum bona fortuna*, ver-
bum verbo reddentes heic vertimus. Pro eodem præfigebant etiam edictis
Romani *Bonum factum*, quod videre est (ut testimonia id genus cetera, quæ
fatis obvia sunt, præmittam) in reciproco illo mathematicorum edicto de
Vitellii nece apud Suetonium cap. 14. Ubi tamen non solum edictorum for-
mulam eos irrisisse puto, sed etiam five artis suæ, cujus item amantior erat im-
perator, vocabulis rite servatis ipsis (si Græcè scribebant, quod est satis si-
mile